



U BiH transrodne osobe se svakodnevno suočavaju sa nerazumijevanjem društva, prisiljene su da žive i izjašnavaju se kao pripadnici\_e spola s kojim se ne identificiraju, a susreću se i sa diskriminacijom, negativnim reakcijama i transfobi-jom, zbog svog rodnog identiteta i neuklapanja u društveno konstruisane katego-rije rodnih identiteta, tj. u zvaničnu binarnu podjelu na muški i ženski rod.

Na zaštiti prava transrodnih osoba, BiH je napravila pozitivan pomak zabranom diskriminacije na osnovu rodnog identiteta, donošenjem **Zakona o zabrani diskriminacije** i omogućavanjem transeksualnim osobama koje su prilagodile spol da tu prilagodbu upisu u matične knjige i izmijene dokumente u skladu sa svojim novim spolom.

U Bosni i Hercegovini diskriminacija na osnovu rodnog identiteta je zabranjena članom 2. Zakona o zabrani diskriminacije.

Transeksualnim osobama koje su prilagodile spol u BiH omogućena je promjena dokumenata u skladu sa novim spolom:

- Zakonom o matičnim knjigama Federacije BiH i Zakonom o matičnim knjigama Republike Srpske izričito je definisano da se prilagodba spola upisuje u matične knjige, dok u Zakonu o matičnim knjigama Brčko distrikta to još nije predviđeno, te bi se prilagodba spola, eventualno, mogla tretirati i upisivati u matične knjige kao naknadna ispravka greške;
- Promjena jedinstvenog matičnog broja u skladu s novim spolom osobe, omogućena je Zakonom o jedinstvenom matičnom broju BiH;

- Promjena ličnog imena ili samo imena ili samo prezimena, dozvoljena je svakom\_oj pojedincu\_ki i mijenja se na zahtjev punoljetne osobe ili zakonskog zastupnika maloljetne osobe što je regulisano zakonima o ličnom imenu Republike Srpske, Federacije BiH i Brčko disktrikta;
- promjena podataka upisanih na ličnoj karti, **Zakonom o ličnoj karti državljanja BiH**, omogućena je zbog promjene podataka i/ili izgleda osobe to-liko da više ne odgovaraju podacima i fotografiji na ličnoj karti.

Regulisanje procedure izmjene dokumenata nakon prilagodbe spola u nadležnosti je ministarstva unutrašnjih poslova u mjestu prebivališta osobe koja podnosi zahtjev za izmjenu.

Da bi se smanjila transfobija, te diskriminacija transrodnih osoba, potrebno je podizati svijest i upoznati pripadnike\_ce bosanskohercegovačkog društva o specifičnom položaju i problemima s kojima se transrodne osobe svakodnevno suočavaju.

Za dodatne informacije ili savjet možete se obratiti Sarajevskom otvorenom centru, organizaciji koja se bavi zagovaranjem za LGBT ljudska prava na broj telefona **033/200-073** ili na e-mail: [pravnosavjetovanje@soc.ba](mailto:pravnosavjetovanje@soc.ba).



Za više informacija o radu Sarajevskog otvorenog centra potražite na:

[www.soc.ba](http://www.soc.ba) i [lgbt-prava.ba](http://lgbt-prava.ba).

Projekt realiziraju:

SARAJEVSKI  
OTVORENI  
CENTAR

CIVIL  
RIGHTS  
DEFENDERS